

# INVENTIO

## O espectáculo familiar de gran formato *Inventio* chega a Lugo o vindeiro 5 de novembro

Esta proposta escénica galega de circo, danza e ilusionismo inspirada no Camiño de Santiago brindará dúas funcións no Auditorio Gustavo Freire ás 17.30 h e ás 20 h do sábado

Comedia, maxia, danza e artes circenses mestúranse neste espectáculo para todos os públicos que estará de xira ata mediados de xaneiro do 2023 por España e Portugal

Os billetes para as funcións están á venda na plataforma web [entradas.ataquilla.com](https://entradas.ataquilla.com)



*Un momento do espectáculo Inventio © Vanessa Rábade*

**Lugo, 25 de outubro do 2022.**- O espectáculo *Inventio* chegará a vindeira semana a **Lugo** logo do seu paso por Ferrol, Santiago e mais Salamanca. Esta proposta de gran formato concibida para público familiar brindará dúas funcións o **sábado 5 de novembro, ás 17.30 h e ás 20 h, no Auditorio Gustavo Freire**. Os billetes oscilan entre os 15 e os 25 euros máis gastos de xestión e están á venda na web [entradas.ataquilla.com](https://entradas.ataquilla.com). Ademais, hai desconto para os usuarios do Carné Xove e os menores de 24 meses non pagan sempre que non ocupen butaca.

CIRCO ILUSIONISMO DANZA MÚSICA

# INVENTIO

*Inventio*, un espectáculo para todos os públicos que reborda humor, misterio e fantasía, e no que conviven a comedia e o drama, a danza, o ilusionismo e as artes circenses. Está concibido como un convite para gozar cos sentidos dunha historia onde o pasado e o futuro danse a man grazas á sucesión de números de maxia, levitacións, equilibrios, malabares, aéreos, audiovisuais e mais composicións de música tradicional galega fundidas con sons electrónicos. Cunha atmosfera máxica e unha posta en escena vangardista, *Inventio* recupera a paisaxe, os costumes, a música, a arte ou a arquitectura de Galicia nun espectáculo delicado e cegador, de busca e descubrimento. *Inventio* é un camiño de regreso á sensibilidade a partir da tradición e a modernidade.

Para materializar esta ambiciosa proposta escénica, *Inventio* conta cun numeroso equipo creativo e artístico formado por máis de 40 persoas, entre elas seis bailaríns e seis artistas circenses. Na dirección atópase o mago Martín Varela, que tamén exerce de guía do espectáculo. Como responsable da dramaturxia figura José L. Prieto e na dirección artística está Suso Montero. A dirección de maxia recae sobre os ilusionistas Fani Triana e Martín Camiña e a de circo en Jorge Miquel. A dirección musical leva o selo de José Trincado 'Triki' e o ballet e as coreografías son unha creación de Mercedes Suárez. Completan o equipo Alberto Casas no deseño de iluminación e Conchi Silvent na dirección de vestiario. *Inventio* é unha iniciativa da promotora galega Thinking Up Events, da Xunta de Galicia a través do programa Xacobeo 21-22 e mais da Fundación "la Caixa", e conta tamén co apoio de Sargadelos.

**A HISTORIA.** Ano 2094. O noso mundo é branco, aséptico, limpo, ordenado. O noso universo é frío e tan impersonal coma o quirófano dun hospital. Deixamos de sentir e de comunicarnos. Aterramos no futuro, si, pero perdemos a memoria e a emoción. Galicia. Último ano Xacobeo deste século XXI. Unha *troupe* formada por un ilusionista, seis bailaríns e seis artistas de circo comprobamos que xa non existe o Camiño de Santiago, que xa ninguén o lembra. Non quedan peregrinos nin un camiño que percorrer xuntos. Tampouco a auga ou a chuvia, o son das gaitas, o verde dos campos ou a pegada do mar na area. Nin pegada nin lembranza ningunha. Que era todo aquilo? Onde quedaron a viaxe, a busca e o descubrimento? Onde liscou a sensibilidade? Velaquí as preguntas que van guiar a esa *troupe* circense que teima nunha misión: reconstruír a súa identidade cultural. Sobre as táboas, os artistas vense envoltos nunha aventura sen igual. O pasado tócaos máxicamente e unha forza sobrenatural transformaraos.

*Inventio* nace co obxectivo de servir de vehículo de coñecemento e de divulgación do Camiño de Santiago e da cultura galega a través dunha historia de buscas e encontros, apta para público familiar e adulto. Trátase dun espectáculo que dota o noso patrimonio cultural dun enorme poder simbólico: tradicións nadas hai séculos que perduran hoxe, e que o fan enriquecidas e felizmente contaminadas doutras manifestacións artísticas, cunha ollada aberta que pon en valor o que nos constrúe e o que nos une.

Logo do seu paso por Lugo, a xira de *Inventio* proseguirá por Pontevedra (11-13 novembro), Cáceres (26-27 novembro), Ourense (2-3 decembro), Bilbao (29-30 decembro), Vigo (3-4 xaneiro 2023) e A Coruña (13-14 xaneiro). Toda a información actualizada sobre a xira e os billetes está dispoñible no espazo web [www.inventio.gal](http://www.inventio.gal).

CIRCO ILUSIONISMO DANZA MÚSICA

# INVENTIO

## Info práctica *Inventio* – Lugo

Sábado 5 de novembro | 17 h e 20.30 h | Auditorio Gustavo Freire [Avda. da Coruña, s/n (Parque da Milagrosa)]

Entradas: 15-25 euros | Desconto Carné Xove | Entrada gratis para menores de 2 anos que non ocupen butaca

<https://entradas.ataquilla.com/ventaentradas/es/variados/auditorio-municipal-gustavo-freire/13827--inventio.html>

Spot promocional: <https://youtu.be/xce73dB0oCI>

## Contacto de prensa INVENTIO

The Office Comunicación

Bea Pérez | 604 070 409 | [bea@theofficeco.es](mailto:bea@theofficeco.es)

Luisa Castiñeira | 630 223 255 | [luisa@theofficeco.es](mailto:luisa@theofficeco.es)

## Descarga do press kit *online* de *Inventio*:

(NP, dossier de prensa, logo e cartel, fotografías, vídeos e audios)

<https://cutt.ly/Inventio>

## Xira *Inventio* | Datas anunciadas

5 novembro | Auditorio Gustavo Freire | Lugo

11 - 13 novembro | Auditorio Sede Afundación | Pontevedra

26 - 27 novembro | Palacio de Congresos y Exposiciones | Cáceres

2 - 3 decembro | Auditorio Municipal | Ourense

29 - 30 decembro | Teatro Campos Elíseos Antzokia | Bilbao

3 - 4 xaneiro 2023 | Auditorio Mar de Vigo | Vigo

13 - 14 xaneiro 2023 | Teatro Colón | A Coruña

[inventio.gal](http://inventio.gal) #inventiotour